



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno 361. Usque Ad Annum 395

Fleury, Claude

August. Vind. [u.a.], 1758

VD18 90117786

§. 48. S. Augustini initia.

[urn:nbn:de:hbz:466:1-66032](https://nbn-resolving.org/urn:nbn:de:hbz:466:1-66032)

per locum obtinet. Tandem S. Ambrosio, & Episcopis Catholicis quiescere datum. Sæculum IV.
A. C. 386.

§. XLVIII.

S. Augustini initia.

Cum hæc fierent, a duobus jam annis S. Augustinus Mediolani agebat, miraculorum, de quibus diximus, & fortitudinis, qua S. Ambrosius pro fide decertabat, testis. Is haud diu post hæc fidem suscepit. Natus erat in Africa 13. Nov. anno 354. Tagaste, urbe Episcopali in Numidia, Parentibus Christianis, & conditionis honestæ; Patris nomen Patricius, Matris vero Monica erat. *v. Pagi an. 377. n. 3. Possid. vit. c. I. Conf. l. I. c. II.* Prima eorum cura fuit, ut filius humanis litteris imbueretur; omnes enim in eo præcellens ingenium, & miram capiendis scientiis docilitatem suspiciebant. In morbum lapsus adhuc puer, & in discrimen vitæ adductus, baptizari petiit, cum jam antea inter Catechumenos per signum crucis, & salem fuisset susceptus. Perterrita Mater omnia ad filii Baptismum disponebat; sed, puero subito melius habente, dilatus est baptismus. *II. Conf. c. III.* Primum Madauræ Grammaticæ operam addidit, & Rhetoricæ usque ad annum ætatis decimum sextum, quo eum Pater Tagasten revocatum, ibi per annum detinuit, ut necessaria pararet, & anno sequenti

Sæculum IV.
A. C. 386.

quenti Carthaginem mitteret, coronidem studiis impositurum, nam filii sui indolem scientiis exornandi ingens desiderium impellebat Patrem, ut sumptus expenderet, suis facultatibus majores. Illa Tagastensi commoratione juvenis Augustinus, spretis piæ Matris consiliis, illicitis amoribus abripitur; hi fructus otii, & Patris, necdum baptizati, nimix conniventix fuere; Pater vero ejus ante obitum suum, qui haud multo post hæc secutus est, Baptismum accepit. Augustinus Carthaginem delatus, magis, magisque mulierum lenociniis capiebatur, theatrorum spectaculis libidinem foventibus. *VIII. c. 7.* Nilominus a Deo castitatem petebat, sed cito exaudiri noluisse. Interim insigni successu studiis incumbibat, quæ se ad munia publica, & Magistratum deducerent, nam ad ea tunc temporis eloquentia viam aperiebat. Inter Ciceronis opera, quibus vacabat, Hortensium legit, hodie non amplius exstantem, eratque exhortatio ad Philosophiam. Animum juvenis tetigit illa lectio, cœpitque, annos natus novemdecim, vanas hujus Mundi spes contemnere, atque Sapientiam, & bona immortalia desiderare. Hic primus conversionis motus fuit.

§. XLIX